

欽定戶部漕運全書

欽定戶部漕運全書卷六十八目錄

截撥事例

截留撥運

截留撥運

一撥運薊糧舊例用紅撥船自新河口裝載運至薊川五里橋每米一石給水脚銀七分七釐入毫康熙三十六年題定令東豫二省原船運送節省脚價仍派東豫二省分年輪運其支放出倉每石准銷補斛遞減等米三升九合雍正二年題准令坐糧廳協同通永道驗明米色卽令地方官收受八年添截白粳次白江米三色其支放出倉每石准銷折耗遞減等米一升九

合九年江米停徵將白粳米代運收放其浙江等省米船截撥薊糧原船卽於天津騰空令副丁管押回南正丁另雇撥船轉運每丁給雇撥船價銀八兩動支坐糧廳茶果銀兩給發至截留抵薊之日照通倉之例限七日內兌收完糧

案查乾隆三十年奏明豫東二省運薊粟米改支折色每石折銀一兩四錢於藩庫地糧銀內動給該二省應徵米折銀兩徑行解貯直隸藩庫此條舊例附存備查

一滄州兵米舊例每年截撥漕糧七千石雍正二年奏准滄州每歲兵糧分兩季支領春季在

本處支給粟米其秋季米石俟江西糧船到滬
照數截撥六年題定每歲仍截留江西漕米七
千石

一天津水師營兵米雍正七年定例每歲截撥
漕糧二萬五千石八年奏准每石每月准銷遞
減米二合計一年共減米三百六十石俱於正
項內開除

一蘇州滄州天津水師營截留漕米每正兌正
米一石并加耗米七升尖米四升二合又耗上

加尖米二合九勺四抄截留新耗米六升九合
共收正耗平米一石一斗八升三合九勺四抄
改兌正米一石外收耗米四升尖米四升二合
又耗上加尖米一合六勺八抄截留新耗米四
升四合共收正耗平米一石一斗二升七合六
勺八抄

議單
舊本

一漕米截留應收耗米舊例每石正兌以加二
五改兌以加一七交收康熙三十三年截留武
清永平等處每石收耗米一斗八升二合九勺

四抄五十八年截留江西湖廣漕糧將加四耗米盡數交收雍正三年題准截留漕糧仍照舊例正兌以加二五改兌以加一七耗米作正交收

一截留平糶所賣錢文係漕項錢糧或易銀交部或搭放兵餉將原給款項扣解以抵留漕價

值

康熙三十九年

一天津國米責令旗丁每袋照例給付抗價并令每米一石交大制錢二十二文存貯道庫以

備次年抵通經紀起卸之費

雍正元年

一天津囤米每百石令旗丁交水脚銀四兩五錢飯米一石給付地方官以爲次年撥運之用

雍正元年

一天津囤米每百石令旗丁給地方官耗米二

石以備轉運折耗

雍正元年

一天津收囤漕糧每正兌米一石加耗米二斗五升內除一斗四升四合九勺四抄作正入廩外下剩米一斗五合六抄爲篩颺等費每改兌

米一石加耗米一斗七升內除八升三合六勺

八抄作正入厰外下剩米八升六合三勺二抄

爲篩颺等費若篩颺有剩照例准作餘米雍正元年

一三河縣駐防兵米歲需二千五百餘石令地

方官捐納脚價按季赴通領運原估米價扣存

司庫雍正六年

一截留漕米落厓進倉等費概令旗丁自備雍正

九年

一截留天津北倉漕米無庸雇撥轉運每百石

准給地方官耗米一石其應交席片卽交截留

處所應用倘有不敷再令地方官買補

雍正九年

一雍正九年議准河南賑濟州縣其本地漕穀

未必適如所賑之數應令不賑之州縣酌量撥

運抵補賑穀州縣雇車運送腳價在於鹽規歸

公銀兩給發

一雍正十二年議准山東截留存貯漕米舊例

除旗丁原扣耗米一升外每年准再除一升未

免賠累應將東省新舊截存倉漕米照直省之

例每石每月遞減二合遞減一年再有虧折卽於各收受地方官名下追賠

一雍正十三年湖南漕米運供黔省軍需水脚銀兩議准先儘漕項動用如不足再動司庫地丁銀兩另於漕截案內造冊報銷至應給水脚等項數目悉照現存運米之例遵行再湖南正耗米石已遵截運黔所有二耗米向例給丁爲沿途食用今漕糧停運未便將此項米石給與軍丁除給丁一半月糧并防護漕船之頭舵水

手各口糧外餘存米石應令各州縣加謹收貯
倘黔省再需米石卽以此米撥運如至明春不
需動用卽照解部南秋米石定價每石折銀七
錢解道詳報充餉又原定正四二耗漕米一石
外連原耗里納共收加一耗米一斗以爲運米
船戶食米及臨兌篩颺等項之需今旣停止運
亦應免徵但各屬遵例於七月初一日開倉奉
文之時徵收已久未便中止應同所存二耗米
石收貯備用如不需動支一併每石折銀七錢

解道詳報充餉

一截撥易州

陵稻米石乾隆元年題准每年預期定數截撥坐糧廳酌量截畱米石需用船隻動用茶果銀兩飭令該幫領運千總在於天津雇船水運至白溝河兌漕水次兌收三年奏准糧船運至雄縣亞谷橋停泊該縣選募堅固民船撥至白溝河交卸定限七日收兌

一交兌

泰陵截漕米石乾隆元年題准各船封貯樣米呈送

陵部驗明由坐糧廳及該管道委員監收如有潮濕糠

土篩颺乾潔照倉場頒發斛隻兌收

一截運易州

陵糈自天津西沽撥載經由大成等處直抵白溝計程

三百二十里間有淤淺處所乾隆元年題准於

每年起運之時由該管道遴委幹練管河同知

一員前往確加探量遇有淤淺處所督同該地

方官確估挑濬所需人夫工價動支存公銀兩

一 截運易州

陵稍自津至白溝河鎮沿途催償乾隆元年題准除向來設有營汛之韓家樹等營照例催償外其霸州苑家口任邱縣藥王行官東西雄縣王家房及雄縣至白溝河處所酌量安設汛防每汛設兵五名令其催償巡查所需汛兵於附近各營抽撥

一 截運易糧雇撥銀兩乾隆元年咨准每船給銀四兩嗣因糧船運至雄縣亞谷橋起撥路次

較近四年題准將雇撥銀兩酌減每船給銀一兩

一截留天津水師兵糧米石向不交納席木板片乾隆元年因該處兵米加增添建倉廩題准將隨漕席木板片隨糧交納

一乾隆二年截留湖北省撥賑漕米應需撥運水腳銀兩咨准在於餘剩漕費銀內動支給發一直隸截漕三十萬石存貯天津北倉備賑撥用查北倉截留漕米並未飭屬應循照京通各

倉之例將預備篩颺米石一體交倉其抽驗篩
颺入倉揀選道府幹員赴倉監收將原備篩颺
四升七合米內計算實在折耗若干并餘剩作
正若干出具印結報部並按照存貯年月遞減
之例再有虧缺將各官叅追治罪

乾隆三年

一乾隆三年議覆侍郎陳世倌條奏截留北倉
漕米前於雍正九年直督劉於義奏准令旗丁
每百石加耗米一石爲地方官折耗之用及今
照例交收但從前北倉例無遞減耗米雍正十

二年定議照通倉例每石尖米四升二合准作
倉中三年遞減折耗乾隆三年直督李衛題請
准銷原備篩颺折耗四升七合之米部議將實
在折耗米數令該縣出結銷算在案則北倉開
除折耗與京通各倉一例自不應再收折耗嗣
後截畱北倉之漕米每百石免交耗米一石以
恤軍丁至所截北倉米石業經直督令倉場委
員照例抽驗篩颺入倉所有截畱天津水師營
并易州米石應令直督照截畱北倉之例遵行

如有勒索等弊卽行題叅究處

一截撥天津水師營并易州米石乾隆三年奏准停止篩颺照依北倉之例抽掣辦理如有勒索等弊卽行題叅

一乾隆四年泰寧鎮添設千總一員把總一員步兵一百名應需本色米石彙入

陵寢案內截漕支放

一截撥薊糧州縣收受有篩颺撞斛狼撒及令旗丁津貼車脚等項之弊乾隆四年奏准禁止

如踏前轍卽行指叅運丁亦毋許攙和糠粃違
者一併叅處

一薊糧到次例限七日交收清楚因每年船糧
到薊時值夏末秋初雨水不時不能依限辦理
乾隆四年議准如遇大雨連綿不能裝運許州
縣按日計算接扣七日若無雨水照例交兌不
得故意措畱

一截撥易州

陵糯旗丁原帶席木按米交倉

乾隆四年

一薊糧米石例係豫東二省遞年輪運乾隆四
年輪應豫省撥解因豫省是年被水漕糧蠲緩
無可撥運咨准於東省撥運俟庚申年豫省接
運一年以補停運之數

一漕糧截留滄州天津及薊易等處較之抵通
費用減省乾隆五年題准將原備三升八合飯
米內運易船糧每石給丁飯米一升運薊船糧
每石給丁飯米一升九合照抵通例給與價值
以濟同空其餘贍米石仍令旗丁交倉作正收

受至截撥天津滄州等處原備三升八合飯米
責令一併交倉作正開銷

一簞羨銀兩例按過壩正米到通船隻分別覈
給其截留船糧原無支給之條因截留薊州滄
州天津等處船糧歷來均照抵通之例一體給
與原屬因循辦理並非覈定章程乾隆五年奏
准一槩停止

一截留滄州米石乾隆六年咨准令承收之員
同旗員驗看如係如米卽行收受毋許遲滯指

勒倘有攙和糠土者承收官及旗員具文詳報
委員驗實估計成色照例報叅並將攙和米色
取同運官裝袋印封隨文呈驗其折耗之米著
落旗丁回空食米內賠補或不足數另於後幫
截補所欠米石咨回南省着追次年搭運赴通
如並無攙和詳報不實之員以有意勒掯叅處
一乾隆八年通倉撥運天津米石雇募民船撥
價咨准照直隸各屬領米之例陸路每石每百
里給銀一錢水路每石每百里給銀一分五釐

直隸古北口外墾種日廣產米日多乾隆八年奏准於豐收之年廣爲採買以四萬七千餘石運赴薊遵等倉以供

陵糈餘俱運通其豫東二省應運薊糧仍運通倉備用如價貴停買將

陵糈米石仍令豫東二省運送

一江西省乾隆八年截畱本省漕糧題准每石加耗米三升在於贈軍斛面等米支給

一撥運易糧漕船自津至雄縣亞谷橋每遇水

小阻滯乾隆八年奏准於每年糧船將到之前
預行探明淤淺處所及時挑濬如水小船重酌
量起撥每船酌給撥價銀一兩

一乾隆八年湖南省截撥廣東漕米題准每石
折耗四合

一乾隆八年湖南省截撥廣西漕米每石加耗
米三合於截漕減存里納二耗米內覓給

一乾隆九年直屬被災需賑欽奉

上諭於通倉內撥發米三十萬石令各州縣自雇船隻

赴通請領嗣因州縣船隻不充奏准將豫東二
省回空漕船裝運沿河交卸按道里遠近照依
定價給發幫丁

一乾隆九年江西截撥湖南漕糧題准每石准
折耗米四合

一乾隆九年江浙二省截撥閩省漕糧奏准每
石加耗米五合

一定例截留漕糧蘆席一項隨糧交卸本色乾
隆十年海寧台州等幫截留臨清席片摺收折

色照數着追

一丹徒丹陽金壇三邑漕糧乾隆十五年題准
畱充鎮江駐防兵米丹徒附郭每年截畱漕糧
三萬三千二百餘石丹陽次近每年截畱二萬
三千二百石金壇稍遠每年截畱一萬石照起
運漕糧例於歲內通完如有遲悞照漕糧例參
處該上司倘扶同徇隱一併嚴叅至次年春夏
一季放給兵糧先儘丹徒米石該府親臨監放
其丹陽金壇二縣米石提解府倉散給所需運

米腳價於漕費內動支每屆開放之期旗員率同領催齋檔具領按名散票照票關支如有賣檔等弊兵民治罪其失察之旗員並地方官一併叅處

一各幫運交

圓明園沙子營新城蘇易等處米石較京通各倉稍遠守候需時每致鑽營規避乾隆十六年奏准嗣後輪幫挨派勞逸適均

一乾隆十八年奉

上諭凡截留省分俱著該督撫專派大員稽察不得委
之州縣佐貳以致滋弊欽此

一薊遵豐三州縣歲需粟米五萬餘石易州歲
需粟米五千餘石定例於豫東二省幫船內派
撥以充

陵寢官兵俸餉霸州豐潤等處向有稻米例交通倉代
粟支放徒費周折乾隆十九年奏准霸州稻米
徑解易州豐潤稻米徑解本處照通倉代粟之
例支給俸餉卽於應撥米內扣除以省往返以

紓丁力

一乾隆二十二年三進幫船因守水濡滯恐悞
回空奉

旨
在津暫行兌收囤貯陸續運通所有旗丁應交耗米
於來歲新漕內搭運完補其抗價銀兩於輕齎
銀內墊發亦於新漕內扣還

一乾隆二十二年漕米截畱北倉及天津露囤
奏准將收貯北倉之米俟明春冰泮時再行運
通露囤各米現在輪流撥運賞借旗丁撥價一

半俾得迅速回空運通腳價令旗下自出一半
賞借一半應交茶果個兒銀錢及席片毛竹均
照例交納至在津糧船自岸起米至北倉約近
里許一出入頗抗狠撒折耗必多且仍需抵
壩起卸亦不無折耗每抗米一石議給制錢六
文每船約需抗價四五千文不等應於在津囤
貯米石之幫丁出給每百石照例加耗二石准
於來歲新漕內搭運補交再經紀各役代丁運
送抵壩既有每百石加耗二石之數再有短少

卽照掣欠例責令經紀等賠補於旗丁無涉其
抗米脚價於通濟庫輕齎銀內暫行墊發亦在
各丁新漕內扣還并移咨總漕照例催追辦理
一易州

泰陵員役應需米石例應截撥南漕查天津北倉尙貯
撥剩漕米可以就近改撥供支以有本年應截
南漕悉運通倉收貯

乾隆二十二年

一倉茶果一項乃係按米交納銀兩以爲各倉
收放米石之需乾隆二十四年倉場咨准現截

北倉米石暫緩交納俟抵通後再行覈計米數
移咨總漕飭令補解

一天津截漕四十萬石先到漕船計五六百船
之米可足四十萬石之數但前幫截畱後幫繼
進若運水未長後到幫船仍不免於起撥應於
先到各幫漕船內視其每船應撥若干石即可
輕便抵壩按照應撥之數起卸截畱其未撥之
米仍令輓駕抵通交兌以撥爲截而每船所截
無多臨時起兌甚易一截之後卽令開行繼進

之船河水漸長自可浮送至旗丁例出撥費令
運官扣存按照每船起米數目彙交坐糧廳收
貯如所截之米別無賑糶需用之處應俟全漕
回空後將所存撥費坐糧廳會同地方官雇船
將北倉米石仍運通倉兌收如所截之米或有
轉移撥運之處將所存撥費畱充各該幫下年
撥船之需

乾隆二十
四年

一漕糧截畱北倉仍須運通者除旗丁所出抗
價六文照例散給上倉人夫外其所出船價銀

六兩交地方官會同坐糧廳雇募撥船應令該
經紀等親身押運其沿河地方文武官弁俱有
稽查催押之責應令督率兵役挨遞管押不得
復行需索飯食如違照例叅處至定例每米百
石旗丁出耗米一石五斗雖係備補沿途折耗
但由倉入船不過盤糧一次折耗不須如此之
多嗣後每米百石應令旗丁再出米五斗足成
二石內以一石備補沿途折耗以五斗給經紀
等作爲飯食以五斗幫貼經紀一切轉運夫役

雜費之用不准絲毫借動官銀至漕船抵通例
有實羨銀兩今羨餘一項已於二十四年北倉
截畱案內奏明全行給與所有鹽夫銀母石一
分亦應一律支給

乾隆二十五年

一嗣後截畱滄州船隻一俟漕米起完卽令隨
幫管押回空先行赴次抵通船隻仍令運弁照
料前進俟交糧事竣卽管押丁船南下

乾隆二十六年

一乾隆二十六年倉場將已經抵壩之廣信等
五幫令轉回天津北倉交兌議准各幫抵通有

應交廳茶果銀兩係按船計算倉茶果銀兩係
按米計算今該五幫既已抵通且有已起米石
自應按船按米交收至簞羨銀兩例於到通給
發今該五幫未起米石復出通帶回北倉應照
數給與至餘米一項既經交納入倉其銀兩亦
照數給發應交席竹亦照例交納再北倉抗價
每石制錢六文卽令旗丁於應出個兒錢內扣
交地方官雇夫應用

乾隆二十六年

一乾隆四十三年六月欽奉

諭旨豫省昨歲收成歉薄今年夏麥亦復缺收閭閻未免拮据業經疊降恩旨加意撫卹蠲緩俾令得所幸各屬於六月中普得透雨大田俱已趕種可望秋成第今距秋收之期尙早現在糧食恐未必卽能充裕著將江西省尾後數幫之米截留十萬石於臨清水次令鄭大進委員接運回豫以資儲備接濟該總漕卽速酌定幫數船隻飭知押運各委員妥協辦理該撫亦卽派委幹員照料妥辦該部卽遵諭行欽此

一乾隆四十三年七月欽奉

諭旨前因豫省今年麥收歉薄降旨將江西尾後數幫之米截留十萬石於臨清水次令豫省接運以裕民食因念山東濟南東昌各屬及直隸大名廣平順德等各府均有缺雨之處二麥大半歉收市糧未能充裕雖不至如豫省之甚民食究不免拮据著再將江西尾後數幫之米於山東直隸各截留五萬石以資接濟其應截何幫船隻著鄂寶酌量分撥檄知押運各員迅速妥辦至兩省應於何處水次截留運貯之處著周元理國泰酌量妥協籌辦仍卽一面辦理一

面具摺覆奏該部卽遵諭行欽此

一江西漕糧截畱赴豫經山東巡撫國泰奏不
支行糧續經漕運總督鄂寶奏准以漕運定例
江西路途遙遠涉歷江湖非他省可比其已歷
長江尙未渡黃截畱者行月緩米給與四分之
三如至臨清等處截畱者各項緩米准其全給
本年截漕非祇河南一省遼東山東亦有截畱
米石並未咨追行糧獨河泊一省截畱尙旗丁
扣追與例不符應仍查照定例辦理

乾隆四
十三年

一乾隆四十三年欽奉

諭旨前因豫省去歲秋收歉薄本年夏麥又復缺收聞
闕未免拮据業將江西省後幫之米截留十萬石於
臨清水次令鄭大進委員接運回豫以資儲備今據
姚立德等奏稱儀封考城汎內河堤漫口其被水災
民現需撫卹應用米糧必多著再將江西尾幫漕米
截留十萬石與豫省備用著鄂寶卽速查酌應截何
幫之米飛檄押運各員遵照妥辦並著鄭大進卽行
酌量於就近災所之運河水次派委妥員接運一面

金匱要略卷之二十三
飛谷鄂寶查照一面具奏該部卽遵諭行欽此

一乾隆四十三年漕運總督鄂寶奏江西尾幫
船隻拽至柳園頭大營房一帶銜尾待渡不意
初三日高家馬頭水勢漸減初四日消耗尤甚
淺阻未渡黃船五十四隻計米五萬一千八百
餘石請存貯淮揚各屬或於明年新漕搭運或
畱爲該省偏災處所賑糶之需實於漕運民食
兩有裨益奉

旨旨應如此辦理淮揚各屬今夏亦有被旱偏災之處

自不免需米接濟此項 糧米卽畱爲該處賑糶之用
無庸附明歲新漕搭運 者將應畱船隻糧數行知該
地方官照料並飭該督 撫檄飭所屬妥爲經理勿稍
稽緩欽此

欽定戶部漕運全書卷六十九目錄

截撥事例

截留撥運

截留撥運

一山東省截漕五萬石河南省截漕

正德十四年
奏明將廣信永建撫州九江後饒州安福吉安

奏明將廣信永建撫州九江後饒州安福吉安

等幫內截撥又直隸截漕五萬石於吉安幫截

剩船五十四隻內截撥該幫現載米五萬八百

九十九石七斗零除截撥外所剩無多一併截

留直隸俾各船一同回空丁情稱便

乾隆四
十三年

一乾隆四十五年因漕運較往年遲至兩月查

照往年露囤之例於石壩並大通橋等處暫囤

米十餘萬石俾撥船口袋足敷週轉其暫行露
囤一切費用卽於車戶經紀腳價內酌量借給
毋庸另行開銷覈定銀數照例按年扣還

乾隆四十年

年五

一密雲駐防官兵所需米石先經奏明照馬蘭
鎮之例改用折色每石折銀一兩四錢續奉

諭旨因官兵購買維艱仍給一半本色在豫東二省每
年徵存薊糧項下撥運令該縣於三四月間赴
通州承辦領運收倉毋庸會同駐防人員赴通

領米仍令該督酌看情形如遇河水乾淺及水大之時由陸路運至該縣照例報銷運腳若雨水調勻之年河水平順仍由水路運送以省糜費應需腳價等項准於地糧銀內給發至本年豫東二省漕船已經開行所有乾隆四十五年夏秋冬并四十六年春季應需一半本色米二萬三千石應於山東省現運四十五年漕糧正供項下截撥令漕運總督山東河南巡撫俟次年兌運新漕卽於該二省存貯熟糧米內撥米

二萬三千石搭運來通以運倉儲乾隆四十五年

一由京移駐密雲官兵一切事宜俱倣

熱河駐防之例辦理

熱河駐防兵遇閏之年應不支給閏月米石今密

雲駐防兵事同一例毋庸添撥閏月米石乾隆

五年

一密雲駐防兵米在於豫東二省存貯薊糧項

下撥運米二萬三千石自通州運至密雲水陸

輓運一切盤量折耗氣頭版底在所必需若不

代爲籌畫必致兵食有虧奏明照易州

陵糈米石之例每石撥給耗米一升九合自四十七年

爲始令豫東二省各添撥米一百石以備支銷

折耗之用各處駐防兵米不得援以爲例

乾隆四十年

六年

一乾隆四十七年九月欽奉

諭旨據鄂寶毓奇奏催償漕船出山東境一摺內稱於

九月初七日將江西尾幫償過臨清十二日全數過

德州北上等語今歲河湖水大漕船行走遲延前經

降旨將江西幫漕米截畱山東三十萬石交與明興
存備該處散賑之用何以鄂寶等摺內復有全數幫
船過德州之語殊不可解著鄂寶等卽行據實覆奏
又鄂寶另摺所稱江西幫船於楊村起撥等語今思
楊村河西務一帶距京較近與其在此處起撥不若
竟截畱天津存貯北倉更可省行途往返著傳諭鄭
大進不必前來接駕於接旨處卽可速赴天津照料
截畱漕米之事將來或畱爲直省之用或運赴通倉
亦爲便易並著鄂寶毓奇一體遵照妥辦至毓奇自

任巡漕以來催辦漕船一切經理均屬得宜目下應辦之事正多明歲巡漕御史需人更換與其另易生手不若仍舊毓奇在彼較爲熟習著傳諭毓奇亦不必至行在復命於何處接奉此旨卽由該處速回照料回空並明歲重運北上之事又鄂寶覆奏糧船遭風漂沒奏報遲延一摺該幫守備係於八月十四日具報該漕督接信後自應一面奏聞一面妥辦乃直至八月二十九日始行具奏其拘迂遲緩亦不足詳悉批諭所奏請議處摺已批交部議仍著傳旨申飭

並由五百里各傳諭知之欽此

一乾隆四十七年十一月欽奉

諭旨據英廉奏直省各倉因賑恤之後貯穀未能足數請將天津北倉截存漕米九萬二百三十二石零賞撥直省以備缺額等語著照所請北倉截存之漕米全數撥給直省缺額州縣各倉存貯該部知道欽此

一乾隆四十九年正月欽奉

諭旨朕巡幸江浙上年業經降旨擬從前之例於江浙兩省冬兌漕糧內各截留十萬石預備臨時平糶之

用所有此次減歇漕船向例祇給一半月糧於該丁等生計未免拮据著加恩於應給月糧外再賞給十分之二以示體恤該部卽遵諭行欽此

一 本年漕運遲滯應截撥兼辦以速回空現查至八月初五日止未到者尙有二進十三幫三進三十四幫共計裝正餘米一百八十餘萬石三進頭船尙未入直若仍令原船運通必致回空遲悞除將三進稍後之浙江等十幫全數在楊村起撥外其最後之江西湖廣等九幫暫行

截留天津北倉俟一有撥船回空卽將截存米

石陸續轉運赴通

乾隆四十九年

一北倉轉運米石旗丁於正米每百石應出加耗米二石乾隆二十五年經部議以一石爲出入沿途顛抗加耗以五斗給經紀作爲飯米以五斗作雜費之用第查加耗米石例係責令旗丁於次年搭運赴通交納現在經紀人等飯食車脚等費在所必需莫若將旗丁下年搭運耗米二石以一石令其搭運本色到通歸耗以一

石照依現在時價折銀赴通交納所有經紀應用之費卽於通濟庫輕齎項下墊發將下年解通銀兩歸款至旗下應交地方官雇備自津至通撥船每米百石價銀六兩飯米一石四斗自應照例辦理再各幫應交茶果銀兩席竹松板仍令弁丁赴通交倉置羨銀兩照依二十二年截貯北倉軍船不抵壩之例賞給一半以資各

丁回空之用

乾隆四十九年

一 本年湖南江西九幫共船九百四十四隻共

米四十萬七千石俱行截畱天津北倉足敷起
卸該九幫弁丁應出撥價及應扣耗米幫貼經
紀轉運赴通之費照例給與至浙江在後之十
幫業已全出臨清其江廣幫船既已截畱北倉
則楊村撥船自敷在前幫船之用且浙省船身
輕便卽令原船抵壩亦不致回空遲悞

乾隆四十九年

一截畱米石自北倉撥運抵通每百石旗丁應

交地方官撥價銀六兩惟查江西六幫股疲不

一內有實不能全行交價者着將通濟庫銀每

船各借銀三十兩行令該省糧道於來歲扣辦

歸款

乾隆四十九年

一乾隆四十九年十月欽奉

諭旨據保泰等奏本年到通漕糧二百四十三萬石又

北倉截留三十二萬餘石較之上年多收二十二萬石等語前因漕艘抵通稍遲將江廣重船於北倉截留俾得迅速回空今據查明本年漕糧較上年尚多二十餘萬石所有前項截留米石現於北倉存貯卽將多出之二十二萬石存於北倉作爲直省買補倉

糧之用毋庸運通欽此

一北倉現貯漕米內賞留二十一萬石爲直省
買補倉糧之用查有凍阻之杭嚴頭四兩幫漕
米約七萬餘石奏請於北運河一帶附近州縣
內查其應買倉糧就近撥交領運明歲於北倉
漕米內照數扣抵所需席片抗夫等項查照辦
過成案辦理

乾隆四十九年

一乾隆五十年五月欽奉

諭旨明興奏曹州東昌濟寧臨清各府州屬雨澤稀少

麥收歉薄現在未得透雨地方未經播種者尙有三
十州縣將來恐有應需接濟之處東省倉儲歷年
免出借尙未買補遺倉積貯無多請截畱南糧二十
萬石存貯備用等語東省曹州東昌等處雨澤愆期
曾經借給口糧籽種並加恩將應徵帶徵錢糧倉穀
緩徵以紓民力各該處未得透雨明與早當奏請截
畱漕米寬裕貯備俾資接濟著於南糧頭進在後各
幫內截畱二十萬石存貯濟寧聊城水次以備應用
該部卽遵諭行欽此

乾隆五十年直隸總督劉峩奏准截留漕糧各事宜今將所議條規開載於後

諭旨在於沿河水次覈計程途分別截卸移咨總漕倉場轉飭將截留米色并旗丁運官姓名開單咨送轉發俟漕糧收清以便飭令各州縣將收過幫船米數造送

一北倉截收漕糧向委天津道鹽運司二員就近在津往來總理並會同坐糧廳秉公監收其

應石坐糧廳到津監兌之處并請移咨倉場酌辦

一水次安陵一帶應需斛斗口袋并經紀斗級等項已專案另請咨飭遵外所有北倉應截漕糧應需斛斗口袋應請查照四十七年截漕之例令天津縣自行備辦並將舊存木斛與部頒收漕鐵斛逐一較準以便兌收加有破損立即補修添置較準烙印應用免致參差遲悞

一北倉截收漕糧倉內鋪墊席片麻繩例向旗

丁取用至氣筒等項照例墊辦事竣將墊製氣筒銀兩造冊請銷在司庫存公銀內撥給還項一安陵泊頭連鎮并滄州等處沿河水次截卸漕糧仍照向例先儘寺廟房屋次賃民間屋宇暫行收貯統俟明歲春融雇覓小船撥運赴通一起卸漕糧應需抗脚工價向令旗丁自行給發此次仍令循照舊例辦理以昭畫一

一北倉截留漕糧

收米色稽查斛斗及在船

盤量在倉收米管賬等項均須委員辦理向請

移咨鹽院在於分司運判以及候補場員內酌
派四員隨同鹽運使天津道監兌照料如有不
敷仍令天津道在於就近佐雜內揀選委調稽
查俾免貽誤

一沿河水次截漕尤非北倉可比糧艘鱗集請
照會天津鎮派撥幹練兵弁加意巡邏仍令將
備大員不時稽察以防不虞

一船廠處所令州縣捕官會同汛弁無分晝夜
稽查匪類預防火燭約束兵役不許偷安生事

以上九條均

乾隆五十年

一 本年各進漕船較往年遲至兩月抵通之米
剋期兌收自八月初旬起每日照例起卸三萬
石并酌定過天津關日期統令八月二十五日
以前全過津關所有三進之浙江十幫應交米
四十萬餘石令坐糧廳在北倉上緊兌收至在
後之湖廣六幫應交米二十三萬餘石並現入
東境跟接北上之江西蕪州等幫應交米十萬
石卽於直隸泊頭等處兌交地方官收貯明春

雇船轉運抵通如指卸北倉者可抵通州指卸
泊頭者可抵北倉仍上緊催僱飛輓前進前楊
村撥船不敷週轉於截留北倉之外卽於天津
起卸露囤交地方官陸續轉運以便漕艘迅速

回空

乾隆五十年

一乾隆五十年七月欽奉

諭旨據薩載李奉翰奏江西漕船十三幫正在銜尾渡
黃因六月二十八九等日黃水陡落各船行至河口
一帶間被淤澀除於此淺滯船內截留漕米十萬石

爲安省賑糶之用其餘各幫自應仍行北上現在設
法籌辦等語江西漕船十餘幫於七月中旬尙淺滯
清口未能全數渡黃月內必不能全行僨入東境卽
使沿途催僨銜尾過行亦須至九月底十月初方可
抵通則起卸回空斷不能於今冬趕至水次受兌自
應遵照前旨於沿途截留起卸但與其催令渡黃多
行途路仍須截留莫若卽於淺滯處所酌量就近交
卸交地方官妥協存貯俾漕船卽行回空旣可免長
途繹輓之勞又得及早回至水次受兌實屬兩便著

督辦薩載李奉翰毓奇酌量情形悉心熟籌一面辦理一面奏聞欽此嗣據薩載等奏本年漕船除頭二兩進及三進內之浙江湖廣各幫均已先後催僭出境其未渡黃者二百九十二隻共裝米二十八萬餘石現在酌派經由之清河山陽寶應高郵甘泉江都丹徒儀徵上元江寧等州縣收貯卽令各幫船於回棹之便順路交卸責成該管道府監收督令各地方官妥協存貯一俟今冬江安蘇松等屬新漕開兌卽均勻搭運解通

不必仍令江西幫船搭運

一乾隆五十年八月欽奉

諭旨據毓奇奏接准部咨留京辦事王大臣會同戶部
倉場侍郎議覆接卸漕糧事宜內以通倉兩壩每日
起米三萬石扣算自八月初間起扣至九月十五日
止可收米一百三十萬石今頭二進幫船共裝米一
百六十萬七千餘石自當遵照原議全行趕赴通壩
儘數交卸等語本年漕船行走遲滯其能趕赴通壩
頭二進各幫米石自應迅速儘數兌收方不致貽悞

同空今頭二進幫船共裝米一百六十萬七千餘石而倉場侍郎覈計祇可收米一百三十萬石是尙有三十餘萬石不能剋期兌收朕極力催辦到通之米若遷延時日各幫必至凍阻北河不能及早歸次兌運新漕關係匪淺且三進各幫之浙江等幫或因時日較早亦能趕緊上壩並應作速起卸該處多收一幫之米卽可省來歲轉運之繁於事方爲有濟但起卸糧石例應兌驗不妨量爲通融抽兌數斛卽可迅速歲事豈有幫船旣已抵壩而該處轉不能全行起

卸之理看來保泰蔣賜榮竟無通變之才並恐各幫
運丁抵通後急於免收胥役等卽從中勒指需索該
侍郎或不免迴護徇庇均未可定著派曹文植伊齡
阿卽行赴通會同該侍郎不必拘例速行通權督辦
曹文植以戶部尙書兼管順天府事務較繁且通州
係其所轄呼應更靈可以往來查辦不致顧此失彼
伊齡阿竟須常川在通督率經理不必拘泥定議總
期多收一幫早完一日於回空起卸均有裨益以副
朕慎重漕儲委任之至意毓奇摺併發欽此嗣據曹

文埴等奏通壩自甬運兼行起卸無虞遲滯現在二進在途之十五幫自揚州頭至興武七等入幫仍照例存六撥四督令銜尾抵壩剋日兌收其自松江白糧至安慶後等七幫及三進在前之已償過北倉之寧波前後湖州白糧等三幫計十幫如亦存六撥四令軍船赴通則抵壩遲緩恐悞回空令全行於河西務起撥卽以撥過抵壩各幫之撥船輪轉迎卸則撥船輕小便於前進卽河水稍落亦無淺阻之虞且軍船免

其抵壩又得趕早回空至三進續抵各幫卽令
於北倉截卸四十萬石限日趕緊收兌其不及
趕卸北倉者應聽漕臣隨時酌量指卸

一乾隆五十年八月欽奉

諭旨據毓奇奏酌定幫船米數分派截畱起卸一摺自
應如此辦理至所稱直隸截畱米石係派撥於大名
府各屬收貯備用現今尾後之撫州吉安南昌後等
幫船輓至臨清住泊一面知照直隸派員就近迎幫
兌收等語著傳諭劉綬迅派妥員前赴臨清水次就

近迎幫上緊兌收俾漕船迅速回空而收貯米石卽可備冬春賑借之用方爲一舉兩得至二進及三進在前之浙江幫船卽可八月底償過津關其三進在後之湖廣六幫及江西渡黃在前入東各船亦可於八月底趕入直境著傳諭毓奇督率各幫儘力日夜催償行走趕緊抵通其尾後各幫有實在遲滯恐悞回空者並著毓奇遵照節次所降諭旨酌量情形於直隸泊頭安陵等處截畱起卸該督等熟籌妥酌一面辦理奏聞總期無悞回空受兌新漕方爲妥善欽

此嗣據毓奇奏本年重運遲滯所有頭二進幫船共裝米一百六十萬七千餘石自當全行趕赴通壩儘數交卸其浙江十幫共裝米四十萬一千餘石若概令上壩起卸各幫一時擁集兩壩候至九月十五日後尙不能全數交卸轉致有悞回空請將江浙九幫漕糧全數截卸北倉次後跟之湖廣六幫及江西贛州各幫除例應截畱滄州駐防兵米外共米三十五萬九千餘石應聽督臣劉崧預爲指定處所分段上緊截

卸存貯並預先多備房屋派委妥員在彼料理
一北倉廩座共敷貯洪斛米四十萬石計浙江
湖廣江西各幫船應交洪斛米五十一萬二千
餘石儘北倉收貯之外尙餘米十一萬二千餘
石北倉圍牆內空院地旣高燥且甚寬廣儘可
起卸露囤俟明春起運時卽先儘露囤之米撥
運赴通所有應需撥價飯米仍照例令旗丁繳
出以備經紀等撥運之用

乾隆五十年

一乾隆五十年八月欽奉

諭旨據阿那布奏三進漕船於八月十五日全行催過
濟寧不過二十五日前後即可全數出臨清口其二
進尾幫已於初九日出臨清等語是東省運河漕船
行走尙爲迅速各幫旣出臨清口北河水勢充足更
不難浮送過行昨據保泰等奏頭進南糧全數起卸
完竣所有二進各幫自必陸續抵通卽三進幫船旣
於月內全數出臨清口抵通自速必須隨到隨收無
悞回空著傳諭曹文植伊齡阿會同劉綦務須不拘
成例速行兌收俾得及早回空或有實在不能兌收

同貯者再照前奏於泊頭及北倉一帶截留收貯總
之多收早回不使稍有濡滯方爲妥善阿那布摺著
抄寄閱看將此傳諭知之欽此

一江西省未渡黃各幫截卸淮揚等屬漕米十
八萬餘石江寧藩司借撥七萬石以濟兵糈餘
米十一萬餘石一并留交江南備糶之用酌定
所值價銀全數解交江西省於今冬照數採買
貯倉俟新漕開兌一同交該省各幫搭運

乾隆五十

年

一乾隆五十四年七月欽奉

諭旨向來北倉截留漕船米石所有轉運通倉水脚銀兩俱係坐糧廳墊發仍於該旗丁名下扣繳歸款但思此項脚費如係幫船行走遲延不能依限赴通交兌在北倉暫行畱貯者自應旗丁出資運送若漕船本可如期抵通因奉特旨截留北倉以備撥用者原與旗丁無涉卽當官爲轉運從前概令旗丁繳費運通辦理未爲允協嗣後各省漕艘有僨行未能迅速抵通遲悞恐致沿途阻凍不能及早回空在北倉截

卸者其運通脚費自當照例扣繳如係似此特旨截
畱者卽著動支官項辦理以示朕體恤旗丁至意欽
此

一乾隆五十五年三月欽奉

諭旨向來直隸地方遇有應需賑濟等事節經將南糧
截畱北倉預備撥用本年漕糧全數來通爲期較早
天庾充裕應於南糧內截畱三十萬石存貯北倉以
備接濟之用更屬有備無患著傳諭蘇凌阿劉秉恬
酌畱一人在通兌收漕糧一人赴北倉專辦截畱之

事並令馮光熊隨同辦理所有截留南漕或於現過
津關南漕各幫內酌留截卸仍催令在後幫船越次
前進迅速抵通若漕艘銜尾前來在前幫次難以截
留或將江廣尾幫漕糧截存北倉否則照從前以截
爲撥之例按照每幫應撥米數分船勻卸北倉截足
三十萬石之數既省楊村起撥耽延而船身輕便抵
通更可迅速著蘇凌阿等體察情形酌量辦理總期
備貯充盈行走不致遲滯方爲妥善除就近傳知馮
光熊外將此諭令知之欽此嗣據倉場奏江西自辦

州幫起至廣信幫止共有稜米三十一萬餘石
除截貯三十萬石外尙多米一萬餘石若仍令
運通交卸未免多費周折應一併截貯北倉以
歸簡易

一東省濟南武定曹州東昌臨清所屬平原等
二十七州縣本年被水災區照例按月給賑約
需一半本色米二十餘萬石除撥用薊糧溢穀
八萬餘石外尙不敷米十餘萬石各屬倉糧雖
足敷用但明春青黃不接之時被災地方必需

借糶兼行以濟民食未便全數碾動所有本年
應運漕米十二萬一千九百五十餘石應截撥
被災地方搭放仍將截存米石於五十六七兩
年秋成後照數買補搭運

乾隆五十五年

一豫東二省撥運保雄兵米向赴北倉交卸惟
是米石一經傾卸難免折耗抗夫口袋費無所
出奏明改於西沽就船受兌嗣後領米州縣先
期備船停泊西沽候兌如糧船已到無船交兌
就近移明天津道輓赴北倉交卸其抗夫口袋

之費卽令雇船遲悞之州縣認賠

乾隆五十七年

一乾隆五十七年四月欽奉

諭旨直隸順德廣平大名三府自三月以來並未得有

雨澤而豫省河北彰德衛輝懷慶三府屬雖間得微

雨亦不成分寸朕心深爲厯念昨已有旨馳詢豫省

矣現已將屆立夏卽甘膏立需麥收亦不無歉薄自

應早爲設法接濟俾小民不致失所若俟地方官具

報到日再降諭旨恐閭閻口食未免拮据現已面諭

梁肯堂令其馳赴天津辦理截漕事務並著倉場侍

郎劉秉恬會同妥爲經理於續到津關南糧漕船內
截留漕米六十萬石以三十萬石留於直隸地方以
備順德廣平大名三府接濟之需以三十萬石運送
豫省以備河北三府接濟之需雖每府以十萬爲率
其間視災之輕重戶之多寡令該督撫酌劑撥用向
來山東糧米有係河南漕船運載赴通者此時該省
漕糧雖已起卸回空想船隻未必卽過天津卽可將
截留接濟豫省漕米三十萬石順便載回該省交穆
和蘭酌量存貯河北備用其直隸截留漕米三十萬

石應運貯何地就近備用之處著梁肯堂自行酌辦
至漕米旣在天津地方截畱所有旗丁等食米更有
多餘卽准其就近糶賣該處糧石旣得藉以流通於
民食更有裨益劉秉恬接奉此旨卽行帶員前赴天
津其時梁肯堂亦可到彼會同商酌妥協辦理於南
糧幫船內酌量何幫截畱爲便卽將該幫米石截畱
該督等務須籌酌盡善毋許地方胥吏從中滋弊以
期小民得受實惠副朕厯念民依先期籌畫至意計
截畱撥運不無畧需時日並着梁肯堂穆和蘭先將

此旨於缺雨地方遍貼膳黃使百姓先知口食有資而市僧亦不敢壟斷居奇方爲兩有裨益該部知道欽此

一截留南漕六十萬石以爲直豫二省接濟之需先將廬州頭等幫漕米十二萬餘石截貯北倉以備酌用尙應撥給直隸十七萬餘石河南三十萬石均在臨清截留以便就近轉輸

乾隆五十年

七年

一河南接濟之米約需二十萬石以內口足餘

用若將南漕三十萬石全行兌運似覺過多應
將多餘漕米十萬石截留臨清俟秋間體察情
形再行籌運查截貯北倉之漕米十二萬石原
爲直隸廣平大名順德接濟之需仍須大名道
雇船派員遠赴北倉領運不若將豫省多餘米
十萬石卽就近在臨清領回較爲便捷乾隆五十七年
一乾隆五十七年五月欽奉

諭旨前因直隸順德廣平大名三府屬入春雨澤短缺
麥收歉薄曾降旨截漕三十萬石以備應用其應徵

新舊錢糧一弁緩徵並令該督酌籌借糶俾資接濟
本日據梁肯堂奏現報被旱州縣俟勘明如果成災
卽需賑項通盤覈計尚須預爲籌備請將恩賞豫省
漕米三十萬石內多餘之米十萬石給賞備用等語
看來直省本年缺雨地方較廣河間景州一帶至今
未獲甘霖卽順德廣平大名雨水亦未能沾足現在
時逾小暑大田恐不及趕種必須寬爲籌備以裕民
食著加恩於該督所請十萬石之外再增賞十萬石
卽着劉秉恬與梁肯堂相商就近酌撥應用該督務

宜體察情形實心經理俾小民均沾實惠以副朕軫念災黎有加無已至意欽此

一良鄉等八處駐防兵米歲需一萬一千三百石近年戶口殷繁糧價較增領價採買未免竭蹶自丙辰年爲始於薊糧內動撥一萬一千三百石隨同正供運赴天津通州水次收兌令良鄉昌平順義大興遷安玉田六處在通州請領霸州東安二處在天津請領所需運脚卽在津貼米價項下動支程途較遠之處每石亦不得

過一錢五分之數

乾隆六十年